

ერთის მხრივ, სს „საქართველოს რკინიგზა“ (ს/კ 202886010), წარმოდგენილი მისი სატვირთო გადაზიდვების დირექტორის გურამ გურამიშვილის სახით, მისამართი: ქ. თბილისი, თამარ მეფის გამზირი №15 (შემდგომში – შემსყიდველი) და მეორეს მხრივ, შპს „კლინტექ“ (ს/კ 204442451), წარმოდგენილი მისი დირექტორის ვლადიმერ ჭელიძის სახით, მისამართი: ქ. თბილისი, ჩიტაძის ქ. №6, ოთახი N-505 (შემდგომში – მიმწოდებელი), ვედებ წინამდებარე ხელშეკრულებას შემდეგზე:

2019 წლის 8 მაისს გამოცხადდა და 20 მაისს დასრულდა წინადადებების მიღება ელექტრონულ ტენდერზე აუქციონის გარეშე (№NAT190009230) სატვირთო (ხორბალმზიდი) ვაგონების დეზინფექცია/რეცხვის მომსახურების შესყიდვის შესახებ, (CPV კოდი – 90900000), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება დანართის (ფასების ცხრილი, განსაკუთრებული მოთხოვნები და მატერიალურ-ტექნიკური საშუალებები) შესაბამისად განახორციელოს არაუმეტეს 1200 (ათას ორასი) ცალი სატვირთო (ხორბალმზიდი) ვაგონის დეზინფექცია/რეცხვა (შემდგომში მომსახურება).

სატენდერო პირობების 10.1 პუნქტით გათვალისწინებული 1.4 ქვეპუნქტის შესაბამისად, ხელშეკრულება ფორმდება აშშ დოლარში საქართველოს ეროვნული ბანკის მიერ 2019 წლის 20 მაისისათვის (ელექტრონული ვაჭრობის დღისათვის) დადგენილი ლარის აშშ დოლართან ოფიციალური გაცვლითი კურსის (1 USD - 2.7424 ლარი) მიხედვით.

ერთი ცალი ვაგონის დეზინფექცია/რეცხვის ღირებულება შეადგენს - 17, 32 (ჩვიდმეტი აშშ დოლარი და ოცდათორმეტი ცენტი) აშშ დოლარს დღგ-ს გარეშე.

ხელშეკრულების საერთო ღირებულება დღგ-ს გარეშე შეადგენს არაუმეტეს - 20 784 (ოცი ათას შვიდასოთხმოცდაოთხი) აშშ დოლარს, ხოლო დღგ-ს ჩათვლით არაუმეტეს - 24 525,12 (ოცდაოთხი ათას ხუთასოცდახუთი აშშ დოლარი და თორმეტი ცენტი) აშშ დოლარს (შემდგომში – ხელშეკრულების ღირებულება).

წინამდებარე ხელშეკრულება ადასტურებს შემდეგს:

მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული აქტის ხელშეკრულების პირობებში.

ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

- წინამდებარე ხელშეკრულება;
- მიმწოდებლის მიერ წარმოდგენილი ფასების ცხრილი, განსაკუთრებული მოთხოვნები, მატერიალურ-ტექნიკური საშუალებები და ტექნიკური პირობა;
- დანართი №2 (მოწმობა);
- ამონაწერი სსიპ სახელმწიფო შესყიდვების სააგენტოს ერთიანი ელექტრონული სისტემიდან ელექტრონული ტენდერის აუქციონის გარეშე ვაჭრობის მიმდინარეობის შესახებ;
- დანართი ხელშეკრულების ადმინისტრირების შესახებ;
- დანართი ხელწერილი ინტერესთა კონფლიქტის არარსებობის შესახებ;
- ფორმა N1 განსხვავებული პირობით ანგარიშსწორების შესახებ;
- საქართველოს ეროვნული ბანკის ვებ-გვერდიდან ამონაწერი ლარის მიმართ უცხოური ვალუტების გაცვლის ოფიციალური კურსის შესახებ;
- ხელშეკრულების საერთო პირობები;
- ხელშეკრულების სპეციფიკური პირობები.

მიმწოდებელი იღებს ვალდებულებას შეუსრულოს შემსყიდველს ზემოაღნიშნული მომსახურება ხელშეკრულების პირობების შესაბამისად.

შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, მ დოკუმენტის თავში მითითებულ დღესა და წელს.

წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულებების სრულ შესრულებამდე, მაგრამ არაუგვიანეს 2020 წლის 30 დეკემბრისა.

„შემსყიდველი“

სს „საქართველოს რკინიგზა“
ქ. თბილისი, თამარ მეფის გამზირი №15
ს/კ 202886010
სს „საქართველოს ბანკი“
ბანკის კოდი: BAGAGE22
ა/ა GE09BG0000000128695301

გურამ გურამიშვილი
სატვირთო გადაზიდვების დირექტორი

„მიმწოდებელი“

შპს „კლინტექ“
ქ. თბილისი, ჩიტაძის ქ. №6, ოთახი N-505
ს/კ 204442451
სს „საქართველოს რკინიგზა“
ბანკის კოდი: BAGAGE22
ა/ა GE73V110005555555555
ფაქსი: 2922202, 5955555555



ხელშეკრულების საერთო პირობები წარმოადგენს დოკუმენტაციისა და შესყიდვის შესახებ ხელშეკრულების შემადგენელ ნაწილს. ისინი ატარებენ ტიპურ ხასიათს და უნდა იქნან გამოყენებული ყოველგვარი ცვლილებების გარეშე იმ მოცულობით, რა მოცულობითაც ეს შეესაბამება კონკრეტულ შესყიდვას.

1. გამოყენებული ტერმინების განმარტებები

1.1 „ხელშეკრულება მომსახურების სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის /თუ ხელშეკრულებით სხვა რამ არ არის გათვალისწინებული/;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას მომსახურების შესყიდვის შესახებ;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს.

3. ინტელექტუალურ საკუთრებასთან დაკავშირებული უფლებები

ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ხელშეკრულების სპეციფიკურ პირობებში და/ან ტექნიკურ დავალებაში ასახული შესაბამისი გეგმა-გრაფიკის მიხედვით, მათ შორის მომსახურების ხარისხის პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები

5.1 მომსახურების გაწევა ხორციელდება მიმწოდებლის წინადადებაში ასახული გრაფიკის მიხედვით. ხელშეკრულების სპეციფიკურ პირობებში დაფიქსირებული პერიოდულობით (ვადებში) შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გრაფიკში სათანადო ცვლილებები.

5.2 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. დაზღვევა (ამ მექანიზმის გამოყენების შემთხვევაში)

6.1 მიმწოდებელი ვალდებულია დააზღვიოს შესყიდვის ობიექტი და/ან მისი ნაწილები (ცალკეული ელემენტები, დანადგარები და წარმოების სხვა საშუალებები, ქონება, მიმწოდებლის და/ან სუბ-კონტრაქტორის პერსონალი და სხვა) ხელშეკრულების სპეციფიკურ პირობებში მითითებული მოთხოვნების შესაბამისად.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

7.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ექაპის) და წუნდების მიზეზის მითითებით.

7.5 შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ექაპის) მიღებაზე იმ შემთხვევაშიც, თუ შუალედური კონტროლის შედეგები იყო დადებითი.

8. გარანტია

8.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

8.2 ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

8.3 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ანგარიშსწორება

9.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

9.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

10. ანგარიშსწორების ვალუტა

10.1 ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტია).

10.2 ანგარიშსწორება განხორციელდება სატენდერო დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

11. ფასები

11.1 მიმწოდებლის დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

11.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია, ან ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ხელშეკრულების სპეციფიკურ პირობებში მითითებულ შემთხვევებში და ზომით.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14. სუბკონტრაქტორები

14.1 ამ ხელშეკრულების ფარგლებში დასადები ყველა სუბკონტრაქტი უნდა გაფორმდეს მიმწოდებლის წინადადებაში მითითებული მონაცემების მიხედვით.

14.2 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

14.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

14.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ

გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16. ხელშეკრულების შესრულების გარანტია (ასეთის არსებობის შემთხვევაში)

16.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. (გარანტიების მექანიზმის გამოყენება სავალდებულოა თუ შესყიდვის ობიექტის სავარაუდო ღირებულება აღემატება 200 000 ლარს და გარანტიის ოდენობა არ უნდა აღემატებოდეს ხელშეკრულების ჯამური ღირებულების 10 პროცენტს და არ უნდა იყოს 2 პროცენტზე ნაკლები). იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო შემსყიდველისათვის მიყენებული ზარალის ანაზღაურების მიზნით საგარანტიო თანხის გამოყენების წესი განსაზღვრულია ხელშეკრულების სპეციფიკურ პირობებში.

16.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია.

16.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

17. ხელშეკრულების პირობების შეუსრულებლობა

17.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

17.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

18. ხელშეკრულების შეწყვეტა

18.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

18.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეატყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

18.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

18.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

18.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

18.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

19. ფორს-მაჟორი

19.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

19.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

19.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გაგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

20. სადაო საკითხების გადაწყვეტა

20.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

20.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

21. გამოყენებული სამართალი

21.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

22. ხელშეკრულების ენა

22.1 ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს აღნიშნულ პირობებს.

23. ურთიერთობა ხელშეკრულების დამდებ მხარეებს შორის

23.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გზავნილის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გზავნილის მეშვეობით.

23.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

24. გადასახადები და ბაჟები

24.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

24.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები წარმოადგენს სატენდერო დოკუმენტაციის შემადგენელ ნაწილს და მას შეიმუშავებს შემსყიდველი ორგანიზაცია. მისი შედგენის საფუძველს წარმოადგენს ხელშეკრულების საერთო პირობები და შემსყიდველის მოთხოვნები, რომელთა მიხედვითაც უნდა განხორციელდეს შესაბამისი მომსახურების განხორციელება. ხელშეკრულების სპეციფიკური პირობების მეშვეობით ხორციელდება ხელშეკრულების საერთო პირობების შევსება, დაზუსტება და ცალკეული შესყიდვისათვის დამახასიათებელი პირობების დაკონკრეტება. ხელშეკრულების სპეციფიკურ, საერთო პირობებს და დანართებს შორის ურთიერთშეუსაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს.

1. ხელშეკრულების დამდები მხარეები

ხელშეკრულების მხარეები არიან:

შემსყიდველი – სს „საქართველოს რკინიგზა“ (ს/კ 202886010), წარმოდგენილი მისი სატვირთო გადაზიდვების დირექტორის გურამ გურამიშვილის სახით, მისამართი: ქ. თბილისი, თამარ მეფის გამზირი №15.

მიმწოდებელი – შპს „კლინტექ“ (ს/კ 204442451), წარმოდგენილი მისი დირექტორის ვლადიმერ ჭელიძის სახით, მისამართი: ქ. თბილისი, ჩიტაძის ქ. №6, ოთახი №505.

2. ხელშეკრულების შესრულების კონტროლი

2.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნის შესაბამისად.

3. მომსახურების განხორციელების პირობები და ვადები

3.1 მიმწოდებელი ვალდებულია მომსახურება განახორციელოს ხელშეკრულების გაფორმებიდან 12 (თორმეტი) კალენდარული თვის განმავლობაში, ეტაპობრივად, შემსყიდველის წინასწარი წერილობითი მოთხოვნის საფუძველზე.

3.2 მომსახურების მიმღებია: სს „საქართველოს რკინიგზა“.

3.3 მომსახურებაგასწავნი სატვირთო (ხორბალმზიდი) ვაგონები (ერთჯერადად არაუმეტეს 20 (ოცი) ცალი სატვირთო ვაგონისა) მიმწოდებელს გადაეცემა შემდეგ მისამართზე: ქ. თბილისი, ქინძმარაულის ქუჩა N12 (სადგური თბილისი მახარისხებელი). (სადგ. მიმწოდებელი ასევე უზრუნველყოფს 3.5.3 პუნქტით გათვალისწინებული ინფრასტრუქტურის მოწყობას) რაზედაც მხარეებს შორის შედგება მიღება-გადაცემის აქტ(ებ)ი. ყოველგვარი გაუგებრობის თავიდან აცილების მიზნით, განვმარტავთ რომ მომსახურება დაიწყება 3.5.3 პუნქტით გათვალისწინებული ინფრასტრუქტურის შექმნის მიღება-ჩაბარების აქტის გაფორმების დღიდან.

3.4 მიმწოდებელი ვალდებულია მიღება-გადაცემის აქტის შედგენიდან არაუმეტეს 24 (ოცდაოთხი) საათში უზრუნველყოს მომსახურებაგაწეული ვაგონების შემსყიდველისათვის დაბრუნება, რაზედაც მხარეებს შორის შედგება მიღება-ჩაბარების აქტ(ებ)ი. აღნიშნული ვადის დარღვევის შემთხვევაში მიმწოდებელს დაერიცხება პირგასამტეხლო ამ ხელშეკრულების 7.1 პუნქტის შესაბამისად.

3.5 მიმწოდებელი ვალდებულია განახორციელოს სატვირთო ვაგონების დეზინფექცია/რეცხვა III კატეგორიით ვეტერინალური თვალსაზრისით ინსტრუქციის თანახმად.

3.5.1 ვაგონების დეზინფექცია უნდა განხორციელდეს შემდეგი თანმიმდევრობით: იატაკი, კედელი, ჭერი და ისევ იატაკი. შემდეგ, თანდართულ ინსტრუქციაში მითითებული პრეპარატებითა და ეტაპების შესაბამისად, უნდა განხორციელდეს ვაგონის გარეთა ზედაპირის, ასახელებების, სამუხრუჭე და სავალი ნაწილის დეზინფექცია. აღნიშნული პროცედურების შემდეგ უნდა განხორციელდეს ვაგონების რეცხვა.

3.5.2 მომსახურების გაწევისას მიმწოდებელმა უნდა უზრუნველყოს ეკოლოგიური უსაფრთხოების დაცვა.

3.5.3 ვაგონების რეცხვის მთელს სიგრძეზე, ტექნიკური საშუალებების გადაადგილებისათვის, მიმწოდებელმა უნდა უზრუნველყოს ლიანდაგის გასწვრივ არანაკლებ ერთი მეტრი სიგანის, ორასი მეტრი სიგრძის და 0,07 მეტრი სისქის ბეტონის არმირებული პლატფორმის მოწყობა (რაც რჩება შემსყიდველის საკუთრებაში). ასევე ლიანდაგის გასწვრივ, რეცხვის მთელს სიგრძეზე, ყოველ 45 მეტრში უნდა მოაწყოს არანაკლებ ოთხი კომპლექტი წყლის წნევით მიწოდების სტაციონალური დანადგარი. მიმწოდებელმა უნდა უზრუნველყოს არანაკლებ 50 ტონიანი წყლის რეზერვუარის მონტაჟი და არანაკლებ ერთი ერთეული მაღალი წნევით ცხელი წყლის მიწოდების ტექნიკური საშუალების მოწყობა.

3.5.4 3.5.3 პუნქტით განსაზღვრული მომსახურებისთვის აუცილებელი ინფრასტრუქტურის მოწყობა, მიმწოდებელმა უნდა უზრუნველყოს ხელშეკრულების გაფორმებიდან 30 (ოცდაათი) კალენდარულ დღის განმავლობაში და აღნიშნული ვალდებულების შესრულების თაობაზე ოფიციალური წერილით აცნობოს შემსყიდველს. აღნიშნული ვადის დარღვევის შემთხვევაში, შემსყიდველს უფლება აქვს შეწყვიტოს ხელშეკრულება ან ვადაგადაცილებისთვის დააკისროს მიმწოდებელს პირგასამტეხლო ამ ხელშეკრულების 7.1 პუნქტის შესაბამისად.

3.5.5 მომსახურების გაწევის შემდეგ თითოეულ სატვირთო (ხორბალმზიდი) ვაგონზე, მიმწოდებელმა უნდა უზრუნველყოს შესაბამისი მოწმობის (დანართი №2) შევსება, რომელიც უნდა დამოწმდეს ბეჭდითა (ასეთის არსებობის შემთხვევაში) და უფლებამოსილი პირის ხელმოწერით.

3.6 მიმწოდებელი ვალდებულია გასწიოს ყველა თანმდევი მომსახურება, რომელიც დაკავშირებულია ამ ხელშეკრულებით გათვალისწინებული ვალდებულების შესრულებასთან. ამასთან, შემსყიდველი აძლევს უფლებას მიმწოდებელს, რათა აუქნასკენლმა მომსახურების განხორციელების პროცესში საჭიროებისამებრ გამოიყენოს წყალი და ელექტროენერგია, რომელიც არ არის გათვალისწინებული ვაგონის რეცხვისა და დეზინფექციის მომსახურების ფასში და რომლის ღირებულებასაც გაიღებს შემსყიდველი.

3.7 მიმწოდებელი მომსახურებას განახორციელებს თანდართული დანართით (მატერიალურ-ტექნიკური საშუალებები განსაზღვრული მატერიალურ-ტექნიკურ საშუალებათა აღწერილობის გამოყენებით).

3.8 ხელშეკრულების ადმინისტრატორად განისაზღვრა: სატვირთო გადაზიდვების დეპარტამენტის ტექნიკური უზრუნველყოფის სამსახურის მთავარი სპეციალისტი - მანონი კორძაძე, ტელ: 591 191301.

4. შესყიდვის ობიექტის მიღება-ჩაბარების წესი

4.1 მომსახურება შემსყიდველის მიერ ჩაბარებულად, ხოლო მიმწოდებლის მიერ განხორციელებულად ითვლება მიღება-ჩაბარების აქტის გაფორმების შედეგად, რომელიც შედგება ფაქტიურად განხორციელებული მომსახურების შესაბამისად და დადასტურდება შემსყიდველისა და მიმწოდებლის მიერ სამისოდ უფლებამოსილი წარმომადგენლების ხელმოწერებით.

4.1.1 შემსყიდველის მხრიდან მიღება-გადაცემისა და მიღება-ჩაბარების აქტ(ებ)ზე ხელმოწერა უფლებამოსილ პირ(ებ)ს წარმოადგენს:

- სადგური თბილისი მახარისხებელის უფროსი;

სადგური თბილისი მახარისხებელის უფროსის მოადგილე.

4.2 მიღება-ჩაბარების აქტის შედგენისთანავე მიმწოდებელი ვალდებულია შემსყიდველს წარუდგინოს 3.5.5 პუნქტის შესაბამისად შევსებული მოწმობა (დანართი №2), შესრულებული მომსახურების მიხედვით შედგენილი ხარჯთაღრიცხვა (დედანი), ხოლო 3 (სამი) სამუშაო დღის ვადაში საგადასახადო ანგარიშ-ფაქტურა.

4.3 მიღება-ჩაბარების აქტი გაფორმდება ოთხ ეგზემპლარად, რომლის სამი ეგზემპლარი გადაეცემა შემსყიდველს, ხოლო ერთი - მიმწოდებელს.

5. გარანტია

5.1 მიმწოდებელი იძლევა გარანტიას, რომ მას გააჩნია ყველა ის საშუალება, რომელიც აუცილებელია წინამდებარე ხელშეკრულებით გათვალისწინებული ვალდებულების შესასრულებლად.

5.2 მიმწოდებელი იძლევა გარანტიას, რომ მის მიერ მომსახურება განხორციელდება ჯეროვნად, დროულად, შეუფერხებლად, კეთილსინდისიერად, ხარისხიანად, სრულფასოვნად და განხორციელებული მომსახურება შეესაბამება ხელშეკრულებით გათვალისწინებულ მოთხოვნებს.

5.3 მიმწოდებელი იძლევა გარანტიას მასზედ, რომ მის მიერ განხორციელებული მომსახურება არ გამოავლენს დეფექტებს.

5.4 იმ შემთხვევაში თუ მიმწოდებლის მიერ განხორციელებულ მომსახურებაში (შესასრულებლად ერთჯერადად მიწოდებულ რაოდენობაში) გამოვლინდა ხარვეზი, მიმწოდებელი ვალდებულია ხარვეზის შეტყობინებიდან 24 საათში უსასყიდლოდ უზრუნველყოს გამოვლენილი ხარვეზის გამოსწორება. თითოეული გამოვლენილი ხარვეზის აღმოფხვრასთან დაკავშირებით მიმწოდებელს დაეკისრება პირგასამტეხლო 150 (ას ორმოცდაათი) ლარის ოდენობით, რომელიც მოთხოვნილ და გაქვითულ იქნება მიმწოდებლის მიერ შესრულებული მომსახურების ღირებულებიდან.

5.5 მიმწოდებლის მიერ ამ მუხლის 5.4. პუნქტით გათვალისწინებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება 5.4 პუნქტის შესაბამისად.

5.6 მომსახურების არაჯეროვანი განხორციელების შედეგად მიყენებულ ზიანს საკუთარი ხარჯებით ანაზღაურებს მიმწოდებელი.

6. ანგარიშსწორება

6.1 ანგარიშსწორების ფორმა: უნაღდო, კონსიგნაცია.

6.2 ანგარიშსწორების ვალუტა: ეროვნულ ვალუტაში, მიღება-ჩაბარების აქტის გაფორმების დღისთვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.3 ანგარიშსწორება მიმწოდებელთან განხორციელდება მხარეთა შორის მიღება-ჩაბარების აქტის შედგენიდან 20 (ოცი) საბანკო დღის განმავლობაში. ამასთანავე, განსხვავებული პირობით დასაშვებია ანგარიშსწორება მხოლოდ იმ შემთხვევაში, თუ მიმწოდებელი ხელშეკრულებით გათვალისწინებული ანგარიშსწორებისათვის საჭირო დოკუმენტების წარმოდგენის შემდგომ, სს „საქართველოს რკინიგზას“ მიმართავს და წარუდგენს წერილობითი ფორმით მოთხოვნას (ფორმა N1) განსხვავებული პირობით ანგარიშსწორების შესახებ.

6.3.1 განსხვავებული პირობით ანგარიშსწორება გულისხმობს შემდეგს:

1. შემსყიდველი იტოვებს უფლებას ანგარიშსწორება განახორციელოს მიმწოდებლის წერილობითი მოთხოვნის მიღების თარიღიდან (იგულისხმება კომპანიის კანცელარიაში რეგისტრაციის თარიღი) 10 (ათი) საბანკო დღის განმავლობაში;
2. მიმწოდებლის მიერ მოთხოვნილი თანხა არ უნდა იყოს დღგ-ს ჩათვლით 10 000 (ათი ათასი) ლარზე ნაკლები;
3. ნაკლებ ვადაში (10 საბანკო დღე მიმწოდებლის წერილობითი მოთხოვნიდან) ანგარიშსწორებისას მიმწოდებელს საკომისიოს სახით გაექვითოს ანაზღაურების მოთხოვნით განსაზღვრული გასაცემი თანხიდან მოთხოვნილი ნაწილის 1.73% და აისახოს კომპანიის სასარგებლო დამატებით შემოსავლად.

6.4 ანგარიშსწორება მიმწოდებელთან განხორციელდება შემდეგი დოკუმენტების საფუძველზე:

- შემსყიდველის წინასწარი წერილობითი მოთხოვნა;
- მიღება-გადაცემის აქტი (დედანი);
- მიღება-ჩაბარების აქტი (დედანი);
- 3.5.3. პუნქტით განსაზღვრული ინფრასტრუქტურის შექმნის მიღება-ჩაბარების აქტი (დედანი);
- თითოეულ სატვირთო (ხორბალშხიდი) ვაგონზე შევსებული მოწმობა დანართი №2 (3.5.5 პუნქტი);
- შესრულებული მომსახურების მიხედვით შედგენილი ხარჯთაღრიცხვა (დედანი);
- 6.3 პუნქტით გათვალისწინებული მოთხოვნის ასლი (ასეთის არსებობის შემთხვევაში);
- საგადასახადო ანგარიშ-ფაქტურა.

6.5 შემსყიდველის ან/და მიმწოდებლის მოთხოვნის საფუძველზე საბოლოო ანგარიშსწორებამდე მხარეები ადგენენ ურთიერთშედარების აქტს.

7. ხელშეკრულების პირობების შეუსრულებლობა

7.1 ხელშეკრულებით ნაკისრი ვალდებულებების შესრულების ვადების გადაცილების შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 0,1 %-ის ოდენობით, რომელიც გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიღება-ჩაბარების აქტის გაფორმების დღის, ან ასეთის არ არსებობის შემთხვევაში, შემსყიდველის მხრიდან ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების (დღგ-ს გარეშე) 5 %-ს.

7.2 იმ შემთხვევაში თუ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების (დღგ-ს გარეშე) 3 %-ს, ასევე 3.5.4 პუნქტით განსაზღვრულ შემთხვევაში, შემსყიდველს უფლება აქვს შეწყვიტოს ხელშეკრულება.

7.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 5%-ის ოდენობით.

7.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების (დღგ-ს გარეშე) არაუმეტეს 5%-ს.

გასაწვევო მომსახურების აღწერა	რაოდენობა/განზომილება არაუმეტეს	ერთი კვანძის რეცხვა/დამუშავების ღირებულება (აშშ დოლარში, დღგ-ს გარეშე)	საერთო ღირებულება (აშშ დოლარი, დღგ-ს გარეშე)	მომსახურების გაწევის ვადა	მომსახურების გაწევის ადგილი
საცემო (სარბლში) კაციების დახმარება (სარბლში)	1200 კაცი	17.32	20 784	ხელშეკრულების გაფორმებიდან 12 კალენდარული თვის განმავლობაში (ეკაბრევი, შემყიდველის მოთხოვნის შესაბამისად);	ქობულეთი ქსენოფონის ქუჩა N12 (ხელშეკრულების თანახმად)

გვანუკ მოძახურობზე განსაკუთრებული მოთხოვნები:

- [illegible]

შ.პ.პ. "კლინტექ"-ის
დირექტორი:

Борис Е. Мель

Vladimer
Chelidze

მატერიალურ - ტექნიკური საშუალებები

სატვირთო ვაგონების რეცხვა-დეზინფექციაზე ტენდერში გამარჯვების შემთხვევაში კომპანია „კლინტექ“-ი უზრუნველყოფს შესაბამისი სამუშაოების შესრულებას შემდეგი სახის ტექნიკური საშუალებებით:

- Kercher HD/21 SX - ოთხი კომპლექტი წყლის წნევით მიწოდების სტაციონალური დანადგარი.

გამოიყენება მაღალი დაბინძურების მოშორებისას და სადეზინფექციო ხსნარის მოსხურებისას.

- Kercher 1500 H - ორი კომპლექტი მაღალი წნევით ცხელი წყლის მიწოდების დანადგარი.

- გამოიყენება მაღალი დაბინძურების მოშორებისას და სადეზინფექციო ხსნარის მოსხურებისას.

- ატმომაიზერი, მექანიკური მოსხურების აპარატი, გამოიყენება სადეზინფექციო პრეპარატის მოსხურებისათვის.

გამოყენებული იქნება მსოფლიოში აღიარებული ლიდერის კომპანია „Diversey“-ის პრეპარატი „დივოზან ფორტე“, რომელიც ჩართულია საქართველოს კანონმდებლობის შესაბამისად სადეზინფექციო ხსნარების ნუსხაში.

თითოეული ტექნიკური საშუალება გამოყენებულ იქნება არსებული დაბინძურების შესაბამისად.

შ.პ.ს. „კლინტექ“-ის
დირექტორი:




/ვლ.ჭელიძე

თანხმობა ტექნიკური პირობის შესრულებაზე

ტენდერში გამარჯვების შემთხვევაში ჩვენი კომპანია შეასრულებს სამუშაოებს არსებული კანონმდებლობის დაცვით და საქართველოში ოფიციალურად დარეგისტრირებული სადენინფექციო პრეპარატების საშუალებით.

შ.პ.ს. "კლინტექ"-ის
დირექტორი:



/ვლ. ჭელიძე

Приложение №1

к инструкции по ветеринарно-санитарной обработке
вагонов после перевозки животных, продуктов и
сырья животного происхождения.

Грузия, Тбилиси узловая – 560101

ამონაწერი სახელმწიფო შესყიდვების ერთიანი ელექტრონული სისტემიდან ელექტრონული
ვაჭრობის მიმდინარეობის თაობაზე

ძირითად დროში ვაჭრობის შედეგები

პრეტენდენტი	შეთავაზებული თანხა		თარიღი
ვაჭრობის 1-ლი რაუნდი			
დაწყება	დამთავრება	პრეტენდენტი	თანხა
ვაჭრობის მე-2 რაუნდი			
დაწყება	დამთავრება	პრეტენდენტი	თანხა
ვაჭრობის მე-3 რაუნდი			
დაწყება	დამთავრება	პრეტენდენტი	თანხა
პრეტენდენტი	ბოლო შეთავაზება თანხა/დრო	პირველი შეთავაზება თანხა/დრო	შეთავაზებები
 "კლინტექ"	57'000.00 20.05.2019 12:10	60'000.00 20.05.2019 10:02	[2] <u>ნახვა</u>

1	ხელშეკრულება №	54/18-169	3	ხელშეკრულების საგანი - სატვირთო (ხორბალშვიდი) ვაგონების დეზინფექცია/რეცხვის მომსახურების შესყიდვა
2	კონტრაგენტი	შპს „კლინტექ“-ი	4	მიმღები დეპ/სამ. ფილიალი სატვირთო გადაზიდვები
ხელშეკრულების რანგი		კუროტორი დირექტორის მიერ განსაზღვრული	გენერალური დირექტორის მიერ დამტკიცებული	
		რანგი	რანგი	
		I □ II □ III □	I □ II □ III □	
5	ხელშეკრულების ადმინისტრატორი	სატვირთო გადაზიდვების დეპარტამენტის ტექნიკური უზრუნველყოფის სამსახურის მთავარი სპეციალისტი		
		თანამდებობა		
		მ. კორძაია	ბ. ჯიშინი	05.06.19
		გვარი, სახელი	ხელმოწერა	თარიღი
6	ფილიალის დირექტორი	გ. გურამიშვილი		
		გვარი, სახელი	ხელმოწერა	თარიღი

ინტერესთა კონფლიქტის არარსებობის შესახებ

ქ. თბილისი

26.06. 2019 წელი

სს „საქართველოს რკინიგზის“ მიერ სატვირთო (ხორბალმზიდი) ვაგონების დეზინფექცია/რეცხვის მომსახურების შესყიდვის მიზნით 2019 წლის 8 მაისს გამოცხადებულ ელექტრონულ ტენდერში აუქციონის გარეშე (№NAT190009230) გამარჯვებულ პრეტენდენტთან შპს „კლინტექ“ (სს. 204442451), გაფორმებული ხელშეკრულების ფარგლებში განსაზღვრულ ვალდებულებათა შესრულების კონტროლისა და ზედამხედველობის განმახორციელებელი პირები ვადასტურებთ, რომ ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფებით.

მანონი კოხტაძე სახელი/გვარი

გ. კოხტაძე

ხელმოწერა

ფორმა # 1		
სს "საქართველოს რკინიგზა"-ს ფინანსურ დირექტორს		
მიმწოდებლის დასახელება	ხელშეკრულების ნომერი #	გასაცემი თანხის ოდენობა დღგ-ს ჩათვლით, რომელიც უნდა ჩაერიცხოს ანგარიშსწორების ვადაზე ადრე
1	2	3
შენიშვნა: ივსება მომწოდებლის მიერ		
ხელმოწერა თარიღი		
გასაცემი თანხის ოდენობა დღგ-ს ჩათვლით, რომელიც ჩაერიცხა მომწოდებელს ვადაზე ადრე	გასაცემი თანხის 1,73% ოდენობა	ანაზღაურების მოთხოვნის #
1	2	3
შენიშვნა: ივსება ხაზინის სამსახურის მიერ		
ხელმოწერა თარიღი		

ლარის მიმართ უცხოური ვალუტების გაცვლის ოფიციალური კურსები



გაცვლითი კურსი RSS

ყველა ვალუტა ▼

2019-05-20

13

ბიება

AED	10 არაბეთის გაერთიანებული საამიროების დირჰამი	7.4664	▲	0.0000
AMD	1000 სომხური დრამი	5.7181	▲	0.0000
AUD	1 ავსტრალიური დოლარი	1.8854	▲	0.0000
AZN	1 აზერბაიჯანული მანათი	1.6095	▲	0.0000
BGN	1 ბულგარული ლევი	1.5660	▲	0.0000
BRL	1 ბრაზილიური რიალი	0.6779	▲	0.0000
BYN	1 ბელარუსული რუბლი	1.3140	▲	0.0000
CAD	1 კანადური დოლარი	2.0332	▲	0.0000
CHF	1 შვეიცარიული ფრანკი	2.7144	▲	0.0000
CNY	10 ჩინური იუანი	3.9662	▲	0.0000
CZK	10 ჩეხური კრონა	1.1894	▲	0.0000
DKK	10 დანიური კრონი	4.1013	▲	0.0000
EGP	10 ეგვიპტური გირვანქა	1.6087	▲	0.0000
EUR	1 ევრო	3.0630	▲	0.0000
GBP	1 დიდი ბრიტანეთის გირვანქა სტერლინგი	3.4979	▲	0.0000
HKD	10 ჰონკონგური დოლარი	3.4939	▲	0.0000
HUF	100 უნგრული ფორინტი	0.9401	▲	0.0000
ILS	10 ისრაელის შეკელი	7.6730	▲	0.0000
INR	100 ინდური რუპია	3.9102	▲	0.0000
IRR	10000 ირანული რიალი	0.6530	▲	0.0000
ISK	100 ისლანდიური კრონი	2.2292	▲	0.0000
JPY	100 იაპონური იენი	2.5010	▲	0.0000
KGS	100 ყირგიზული სომი	3.8106	▲	0.0000
KRW	1000 სამხრეთ კორეული ვონი	2.2938	▲	0.0000
KWD	1 ქუვეითური დინარი	9.0122	▲	0.0000
KZT	100 ყაზახური ტენგე	0.7222	▲	0.0000
MDL	10 მოლდოვური ლეი	1.5304	▲	0.0000
NOK	10 ნორვეგიული კრონი	3.1276	▲	0.0000
NZD	1 ახალზელანდიური დოლარი	1.7897	▲	0.0000
PLN	10 პოლონური ზლოტი	7.1115	▲	0.0000
QAR	10 კატარული რიალი	7.4951	▲	0.0000
RON	10 რუმინული ლეი	6.4312	▲	0.0000
RSD	100 სერბიული დინარი	2.5966	▲	0.0000
RUB	100 რუსული რუბლი	4.2434	▲	0.0000
SEK	10 შვედური კრონი	2.8444	▲	0.0000
SGD	1 სინგაპურული დოლარი	1.9935	▲	0.0000
TJS	10 ტაჯიკური სომონი	2.9052	▲	0.0000
TMT	10 თურქმენული მანათი	7.8579	▲	0.0000
TRY	1 თურქული ლირა	0.4525	▲	0.0000
UAH	10 უკრაინული გრივნა	1.0399	▲	0.0000
USD	1 აშშ დოლარი	2.7424	▲	0.0000